

## 6. gr.

Fyrir heimilishjálp skal greitt eftir hlutföllunum,  $\frac{2}{5}$ — $\frac{3}{4}$  hlutum af launum hjálparfólks og skal framkvæmdarnefnd fá samþykki viðkomandi hreppsnefndar um það, hvaða gjald skuli vera í hverjum hreppi.

Framkvæmdastjóri setur sér nánari reglur um aðrar greiðslur, innheimtur og annað í sambandi við ráðningu starfsfólks, er hún telur máli skipta í þessu efni. Skal um slíkt haft samráð við oddvita sýslunefndar og leitað eftir staðfestingu ráðherra á þeim reglum, ef nauðsynlegt þykir.

## 7. gr.

Reikningar heimilishjálparinnar skulu endurskoðaðir árlega á sama hátt og reikningar sýslusjóðsins.

## 8. gr.

Halli, sem verða kann af heimilishjálpi, sem veitt er samkvæmt lögum um heimilishjálpi í viðlögum og samþykkt þessari, greiðist að  $\frac{1}{3}$  úr ríkissjóði en að  $\frac{2}{3}$  úr sýslusjóði, sem síðar endurkrefur hvert hreppsfélag um þeirra hluta í samræmi við veitta vinnu.

## 9. gr.

Reglugerð þessi tekur gildi fyrir hvern hrepp innan sýslunnar, þegar hún hefur verið samþykkt af viðkomandi hreppsnefnd, enda falla þá úr gildi þær samþykktir, sem einstakir hreppar hafa þegar sett sér.

Reglugerð þessi, sem sýslunefnd Austur-Húnavatnssýslu hefur samið og samþykkt, staðfestist hér með, samkvæmt lögum nr. 10 25. janúar 1952, um heimilishjálpi í viðlögum, til þess að taka gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 31. janúar 1964.*

F. h. r.

Hjálmar Vilhjálmsson.

*Jón S. Ólafsson.*

## AUGLÝSING

um breyting á samþykkt Sjúkrasamlags Reykjavíkur, nr. 13, dags. 16. sept. 1958, sbr. auglýsingu, nr. 24 14. febrúar 1957.

## 1. gr.

Breyting á 11. gr. samþykktarinnar:

1. Fyrri málsgrein a-liðs 2. töluliðs 11. gr. orðist svo:

„Almenna læknishjálpi greiðir samlagið að fullu hjá samlagslækni sjúklingsins á umsömdum vinnutíma lækni, nema hvað samlagsmaður greiðir lækni um kr. 10.00 fyrir hvert viðtal á lækningastofu og kr. 25.00 fyrir hverja vitjun. Gjald fyrir vitjun skal þá vera kr. 50.00 á því svæði, sem bættist við samlagssvæðið hinn 1. september 1962. Læknishjálpi hjá öðrum læknum en heimilislækni, greiðist samkvæmt því, sem ákveðið er í samningi samlagsins við Læknafélag Reykjavíkur.

2. B-liður 2. töluliðs 11. gr. orðist svo: Læknishjálp um nætur og á helgidögum samkv. því, sem ákveðið er í samningi samlagsins við L.R.
3. Næst síðasta málsgrein 2. tölul. 11. gr. c, falli niður.
4. Í stað „ $\frac{1}{2}$ “ í fyrri málsgrein 4. töluliðs 11. gr. komi:  $\frac{3}{4}$ .
5. 5. töluliður 11. gr. orðist svo: Samlagið greiðir nauðsynlega dvöl umfram 9 daga vegna fæðingar í sjúkrahúsi eða fæðingarstofnun.
6. Sjöundi töluliður 11. gr. orðist svo:

Samlagið veitir sjúkradagpeninga þeim samlagsmanni, 16 ára eða eldri, sem ekki nýtur elli- eða örorkulífeyris, slysadagpeninga eða atvinnuleysisbóta og verður með öllu óvinnufær, enda leggi hann niður vinnu og kaup hans eða aðrar vinnutekjur falli niður.

Launþegar og einyrkjar njóta dagpeninga frá og með 11. veikindadegi, ef þeir eru óvinnufærir, a. m. k. 14 daga, en atvinnurekendur — þ. e. þeir, sem greiða skulu atvinnurekendagjald, samkv. 28. gr. almannatryggingarlaga, nr. 40 frá 1963 af meiru en 52 vikum — frá og með sjöttu sjúkraviku. Upphaf biðtíma miðast við þann dag, er lækni er fyrst vitjað, eða sjúklingurinn fer í sjúkrahús.

Fullir dagpeningar nema:

- |   |           |
|---|-----------|
| a. Fyrir kvæntan mann, eða gifta konu, sem er aðalfyrirvinna heimilis   | kr. 95.00 |
| b. Fyrir aðra .....   | — 84.00   |
| c. Fyrir hvert barn á framfæri, allt að þrem, þar með talin börn utan heimilis, sem umsækjandi sannanlega greiðir með, bætast við | — 11.00   |

Dveljist sá, er dagpeninga nýtur, í sjúkrahúsi á kostnað samlagsins, en hafi ekki á heimili sínu fyrir öðrum að sjá, lækka dagpeningar, og skulu nema:

- |   |         |
|---|---------|
| d. Fyrir einstakling .....                        | — 28.00 |
| e. Fyrir hvert barn, sbr. c-lið, bætast við ..... | — 4.00  |

Dveljist sá, er dagpeninga nýtur, í sjúkrahúsi og hafi á heimili sínu fyrir öðrum að sjá, skulu dagpeningar nema:

- |   |         |
|---|---------|
| f. Fyrir kvæntan mann eða gifta konu, sbr. a-lið .....      | — 64.00 |
| g. Fyrir aðra .....   | — 56.00 |
| h. Fyrir hvert barn, allt að þrem, sbr. c, bætast við ..... | — 8.00  |

Verði dagpeningar umsækjanda, samkv. framansögðu, hærri en nemur  $\frac{3}{4}$  hlutum þeirra vinnutekna, sem hann hefur misst vegna veikindanna, skulu þeir lækka að því marki. Skal að jafnaði höfð hliðsjón af tekjum hans síðustu tvo mánuðina fyrir veikindin. Tekjur húsmóður vegna fullrar vinnu á heimili, skulu í þessu sambandi metnar jafnar lífeyrisupphæð, samkv. 13. gr. almannatryggingalaga, nr. 40 1963. Dagpeningar húsmóður, sem ekki hefur unnið utan heimilis, lækka ekki þó að hún dvelji í sjúkrahúsi.

Sjúkradagpeningar eru ekki greiddir lengur en 52 vikur samtals á hverjum 24 mánuðum. Þó er samlagssjórn heimilt að ákveða, að dagpeningar skuli greiddir lengur, ef lækningatíraunum er ekki lokið og óvíst er, hvort um varanlega örorku er að ræða.

Nú greiðir vinnuveitandi laun í veikindaförföllum og renna þá dagpeningagreiðslur, samkv. 4. málsg. þessarar greinar, til vinnuveitandans þann tíma, þó aldrei hærri greiðsla en sem nemur  $\frac{3}{4}$  hlutum launanna.

Dagpeningar eru ekki greiddir:

- a. Vegna næmra sjúkdóma, svo sem mislinga, influenzu eða skarlatssóttar, þegar þeir ganga sem yfirgripsmiklar farsóttir, nema tryggingaráð heimili greiðsluna hverju sinni.

- b. Ef ástand það, sem bótarétturinn er byggður á, stafar af ölvun, áhrifum deyfilyfja, eða öðrum orsökum, sem hinn tryggði á sjálfur sök á, beint eða óbeint, með vitaverðu hirðuleysi eða gáleysi.
- c. Ef sjúklingurinn vanrækir að fara að læknisráðum, þannig, að trúnaðarlæknir telji vanræksluna hamla bata.
- d. þeim, sem í verkfalli á, nema hann hafi átt rétt til dagpeninga, áður en en verkfallið hófst.

Um dagpeninga skal sækja skriflega til samlagsins, að jafnaði eigi síðar en tveim mánuðum eftir að réttur til dagpeninga hófst og skal fylgja læknisvottorð í því formi, sem Tryggingastofnun ríkisins ákveður, svo og vottorð vinnuveitanda, þegar launþegi á í hlut, um tekjur umsækjanda og niðurfall þeirra. Berist umsókn síðar eru þó dagpeningar greiddir tvo mánuði aftur í tímann, ef málsatvik eru ljós. Samlagsstjórn er heimilt að lengja þetta tímabil í allt að 6 mánuði í tilvikum, þar sem bótaréttur er fullkomlega ótvíræður.

Samlagið hefur rétt til þess að láta hvenær sem er, rannsaka heilsufar þess, sem sótt hefur um, eða nýtur dagpeninga, með lækniþskoðun eða á annan hátt, og er hinn tryggði skyldur að koma til slíkrar skoðunar, innanhéraðs, ef hann er ferðafær. Vanræki hann þetta, missir hann rétt til dagpeninga, meðan svo stendur.

Nánari ákvæði um framkvæmd reglnanna í þessum lið, getur samlagsstjórn sett, með samþykki Tryggingastofnunar ríkisins.

Framangreind breyting á samþykkt Sjúkrasamlags Reykjavíkur staðfestist hér með samkvæmt lögum nr. 40 30. apríl 1963, um almannatryggingar til þess að öðlast gildi þegar í stað og birtist til eftirbreytni öllum þeim, sem hlut eiga að máli. Jafnframt er úr gildi felld auglýsing, dags. 8. febrúar 1962, um sama efni.

*Félagsmálaráðuneytið, 5. febrúar 1964.*

F. h. r.

**Hjálmar Vilhjálmsson.**

*Gunnlaugur Þórðarson.*

## REGLUGERÐ

### um heimilishjálp í Kópavogskaupstað.

#### 1. gr.

Bæjarráð Kópavogskaupstaðar fer með stjórn heimilishjálpar í Kópavogi. Dagleg umsjón með framkvæmdum heimilishjálparinnar í Kópavogi er í höndum konu með þekkingu á heimilisstörfum, er bæjarstjóri ræður til starfsins. Hún á rétt á að sitja fundi bæjarráðs, þegar rædd eru mál, sem varða heimilishjálpinu, og hefur þar málfrelsi og tillögurétt.

#### 2. gr.

Hlutverk heimilishjálparinnar er að veita hjálp á heimilum, þegar sannað er með vottorði læknis, ljósmóður, eða á annan hátt, sem forstöðukona heimilishjálparinnar metur gildan, að hjálpar sé þörf um stundarsakir vegna sjúkdóma, barnsburðar, slysa, dauðsfalla eða af öðrum ástæðum.